

Nossa scoula

Allegra e bainvgnieu / bainvgnida illa Scoula cumünela da Samedan!

La Scoula cumünela da Samedan es üna da las pochas scoulas populeras da la Svizra da fuonz sü bilinguas. Da la scoulina fin in novevla classa vain praticheda l'immersiun in rumauntsch e tudas-ch. Nossa scoula es mneda e spordscha garanzia da qualited tres evaluaziun interna ed externa.

Inavaunt es ella ün lö da furnaziun vivaint per var 280 scholars e scholaras, ils quêls e las quelas nus accompagnains cun ingaschamaint e cun cour in lur via d'imprender.

La Scoula cumünela da Samedan consista da la scoulina, scoula primara ed il s-chelin ot.

- Illas trais classas da la scoulina, minchüna cun duos annedas, staun i'l center l'imprender ludic e las prümas experienzas scolasticas.
- La scoula primara, dimena da la 1. fin 6evla classa, intermediéscha la savida da basa e promouva ils talents individuels dals scholars e da las scholaras.
- Il s-chelin ot culla 7evla fin 9evla classa vain mno tenor il model C e spordscha a sieus scholars ed a sias scholaras da Samedan, da Schlarigna e da Bever üna preparaziun per l'avegnir, orientada a la pratcha.

Nossa scoula s'orientescha al Plan d'instrucziun 21 chi drizza si'attenziun sül fundamaint per ün'instrucziun moderna ed orientada a l'avegnir. Il böt es da promover las cumpetenzas dals scholars e da las scholaras in möd perdürabel e da als resp. da las preparar optimelmaing per las prataisas da la vita.

Quista pagina d'internet pussibiltescha üna survista detaglieda ed ün'invista interessanta in nos minchadi scolastic. Impü es quist il lö previs per las infurmaziuns pü actuelas da nossa scoula.

Per ulteriuras dumandas u infurmaziuns stains nus gugent a Lur disposiziun.

Bainvgnieus illa Scoula cumünela da Samedan!

Jasmin Koch-Angst & Claudio Giovanoli
Direcziun da scoula